

小

畜

集

六

中

書

卷

一

王黃州小畜集卷第二十六

鄉老獻賢能書賦

鄉老之荐登彼云府

古者選于里卒于鄉考德行而甯之以礼與賢能而獻之于王是故鄉老之荐不濫貢士之道有光豈不以敦至教合要道察之于鄉党升之于俊造合議于衆寡定謀于苟老非賢不奔在百行之孔修唯善是從非一鄉之皆好區以別矣尊而寵之察道藝而期茂表公共而減私予以振鄉大夫之職予以行鄉飲酒之儀厥時徹譙拜書以荐遂使乎賢者能者靡至乎自媒自衒有才

見奉固於我以何求在邦必詢所欲人知之勸既而有
祿斯有膺位斯登嘉黃髮之上獻匪玄纁之下徵拜而
拜受所以知樂善尊老義而奉所以見推賢讓能其進
也若石之投水其用也類本之從繩然後倂之風不起
激勸之道自彼咸謂乎尔公尔侯亦在手我鄉我里學
優則仕豈患人弗知沒世不称唯曰士之深耻故得朝
有多士野无遺賢以此取人道合于遠古以此治世功
侔乎上天乃鄉奉里選之謂信朝行教者焉我國家茂
育群材躋板太古任賢克奉於二八闡化自齊於三五

小臣待詔向金門願詣公車之府

宮漏出花遲詩

丹禁遲遲漏深宮灼灼花繁枝開正滿清韻出何賒靜
拂紅英密微穿翠葉斜依稀驚宿蝶冷落動晨鷗細逐
香離檻輕翻露滴沙願當直仙署鈴索共交加

雲州節度使加使相麻

門下臨戎聞外伏金錢以專征定策幄中升玉堂而論
道春惟重柄寔在全才向匪得人固无虛授其有威猷
却敵安毅安邊式旌善戰之功別奉疇庸之典乃求吉

日特奔徽章具官某劾恥一人城長萬里稟氣而全鍾
太白論兵而自著金韜爰自作翰雲中威行塞外淖彼
廉順之勇略居然魏尚之英風念勞而閤列丹青已各
竒表効節而門開朱白屢奏邊功宜升調鼎之資俾耀
築壇之貴雖匈奴畏懼已知域外之雷霆而黔首樵蒸
更作人間之霖雨詎云優異姑示甄酬於戲位極人臣
榮兼將相勿期驕而伐善宜尽瘁於匪躬永保崇高何
煩訓勵可依前件

搜訪唐永已來忠臣子孫詔

勅皇王之典道在賞延公侯之家義聞必復漢帝想二
臣之摠爰求近親元和念五代之孫詔還故宅朕祇膺
駿命景慕前王慮忠孝之臣僚有替陵之苗裔將行激
勸宜示甄收應唐末以來梁朝而下或直言于昏主奮
不顧身或立事于亂邦見危致命名姓雖存於青史子
孫已混於白丁流落閭閻湮沉門閥量器能之可用委
長吏以上言庶遵有後之文更勵為臣節人或罔冒國
有刑章凡在守臣副台深旨

正郎告老可太常少卿致仕制

勅其官某卧錦為郎恩車告老特奉優賢之典用旌知
止之心清資俾貳于奉常白首免嗟于郎署恩榮所極
汝其佩之可以依前件

黃屋非堯心賦

黃屋車貴非帝堯意

惟彼陶唐憂民道光處黃屋以非貴慮黔黎之弗康忘
彼乘與示一人之勤儉思乎稼穡見百姓之平章不然
又安能禪位於大舜比崇於軒黃者哉豈不以天生蒸
樹之司牧方誕敷於父德匪留心於華轂善行无迹我
則期同軌於万方履轍在前我則致可封於比屋盖以

樂為御德為車欲躋民於仁壽將納國於華胥苟兆民
之困矣雖万乘以焉如憂勞於四海九州未臻富庶願
眇而鳶旂鳳蓋終類遽蔭有以見上德為心下民可畏
唯惇獨以是念匪崇高兮自貴遂使轄之之響莫達於
四聰慄之心常咨於庶彙自然我躬以瘠我民以肥
但慮一夫而惕焉知四牡之騑足可使域中之御
朽乘乾因茲而取則天下之車轍馬迹由是而知非所
以道冠百王功齊五帝焦勞之德罔怠瘠哲之風靡替
耕田鑿井固何有於萬民神智天仁自流芳於百世今

我后功邁伯禹心侔十堯處越蓆而古風斯振設土堦
而儉德弥昭御六馬以兢：常思罪已通八豎而穆：
尚戒宣驕故得洪業弥芳玄穹降瑞念蒼生而唯恐无
告乘金輅而未嘗介意小臣待詔於公車願比伊耆之
故事

春晚綠野秀詩

雨過川原上凝眸送晚香韶光銷欲尽野色豐未新天
未逢監漳江湄乱翹塵垂楊難認影幽鶯莫藏身遠接
天開幕晴和草展茵明時四郊靜凌乱蹈青人

授六尚書節度使麻

門下國之喉舌尚書寔拱於六曹王之爪牙連帥出叅
於十乘在昔唯求於藩屏我朝復藉於循良自非文武
之全才莫預邦家之慎選其由儒雅有本兼著韜鈴却
穀之禮樂詩書義之府也仲尼之俎豆軍旅兼而有之
宜分經國之材各受殿邦之寄爰頒寵命式表殊恩其
官某等或天賦器能或時推謇譔揚歷盡試難之任周
旋居求理之朝騰驤而龍駕乾綱俱呈步驟維穆而鳳
吹律本共治和平暫留調鼎之恩先授登壇之柄進賢

冠而納言情已竣朝端伏黃鉞而擁白旄更光儒道仍
加食采式重分茅於戲名器不可以假人是予所慎富
貴弗期而驕至在尔熟思勉承出將之榮勿辱知臣之
鑒徃踐厥位欽哉勗哉可依前件

放五坊鷹犬詔

勅王者狩必以時除灾害於黎庶射而登俎表孝荐於
祖宗過此以還盡為非礼朕祇鷹犬寶弗敢盤遊爰自
国初因其旧制五坊設畋獵之備四海貢鷹犬之儔雖
則存而勿論未如不作无益况又青骹黃耳耗民用以

居多雨血風毛匪朕心之所欲宜從釋放式表憂勤應
五坊鷹鷂等並委本坊使即時放散所有狗犬人願牧
養為警備者亦仍听勅天下今後不得更進鷹犬庶使
發狂言之遐遂於老氏外荒之戒无愧於古書亦所以
見朕惠及于飛走也告布中外称朕意焉

批荅處士陳搏乞還旧山表

所上表事具悉昔者帝堯臨于大寶許由称之外臣雖
居萬乘之尊不屈正夫之志想彼貞節朕常嘉焉卿不
仕王公多歷年歲雅有神仙之態蔚為高尚之人爰自

近年屢云請見雖玉堂金闕暫喜放來朝岫幌雲閑遽
求於歸隱可認不羈之行用全獨喜之心披閱奏章良
多嘉尚所請宜依

日月光天德賦

陽景隱魄光被天德

日月焜煌麗乎天兮東陽既垂光垂率王寔擢德于穹
蒼配行健之功、深胞育叶无私之道、契皇王是何
鑿混沌之精挂又舒之影循環分晝夜之度盈縮遞縮
歲時之景重輪重珥為當伐之休祥行疾行遲是何人
之馳騁但見手耒徃天心舒陽慘陰浴咸池而杲、逗

斜漢以沉、作仰之弥高、自可侔於聖德、非幽不燭、因
取象於君臨、藹晨曦亭、夜魄覆盆、雖隔於照燭、圖
盖寔資於輝赫、運行不息、四時于是乎成功、遐迩具瞻
九上以之、而先宅觀其日之始也、升若木、拂扶桑、光天
德兮、臨八荒、龍吐燭而氛霾蕩、盡鳥騰晶而魑魅潛藏
于以瑞呈五色、于以明列三光、月之始也、出金天、哭瑤
水、光天德兮、照千里、兔奔而形挂影、時搖蟾躍而露華
輕、委于以輶碧落而皎兮、于以掩籛星而唱彼厥象、昭
然斯為得天附高明而能久、蘇物彙以无偏行中道而

小齋集卷二十一
上
曈曨九影聖代逐左旋而出沒暗送流年我國家道契
圓明功齊剋克修五紀以叶用照万邦而取則夫如是
叔寶之徒且詠詩於帝德

四時和為玉燭詩

堯舜欽天日羲和正曆時銅渾列辰象玉燭照華夷真
宰潛能秉飛廉詎可吹祥光長赫矣佳號得溫其啣處
非龍首燃來豈鳳脂皇明方比盛鑑物自无私

授節度使兼中書令西京留守麻

門下周官重八柄之權掌之者方為宗顯洛食啟二都

之地分之者必在勲賢其有族茂山西功高天下畫像
早畫於麟閣分茅繼擁於龍旌將肅征伐之勞宜委居
留之地具官某名標鉞券勇號翅人英雄而夜拜長星
力扶興運慷慨而自稱大將誓立殊功爰膺推轂之榮
累荷殿邦之寄開白門而効死已靜邊烽按黑稍而揚
威克申戎律加以師貞之外理本尤精得士心而料敵
先遺求民瘼而所在稱理輯瑞而无違觀礼獻琛而頗
見勤玉尊周之大業弥隆分陝之重權斯委仍加右相
式重大臣於戲舜號納言周稱內史極尔人臣之位表